



Inatsisartunut ilaasortaq Lars Poulsen, Siumut  
/Maani

**Royal Greenland pillugu § 37 naapertorlugu apeqquteqaammut nr. 2023-66-imut akissut**

29-03-2023  
Sags nr. 2023 - 136  
Dok. nr. 22414567

Inatsisartut suleriaasianni § 37-imi imm. 1 naapertorlugu, Royal Greenland pillugu tulliuuttut Naalakkersuisunut apeqquteqaateqarputit.

Postboks 1015  
3900 Nuuk

Tlf. (+299) 34 50 00  
Fax (+299) 32 50 02

Apeqqutit tulliuuttumi akineqarput.

E-mail: govsec@nanoq.gl  
www.naalakkersuisut.gl

**Apeqqut 1) Sooruna "Royal Greenland Seafood A/S" Kalaallit Nunaanniigani Danmarkimi najugaqartoq? Uani tunngavilersuutaasimasoq akeqquneqarpoq.**

Akissut: Royal Greenland Seafood A/S Danmarkimi adresseqarpoq, marloriaammillu akileraarnissaq pillugu Kalaallit Nunaat nunani assingiinnitsorpaalunnik isumaqatigiissuteqannginnera patsisaalluni, nunani allani immikkoortortaqarfiit pigisaralugit. Taamaalilluni assersuutigalugu nunani allani immikkoortortaqarfiup isertitaanik akileraarusigassanik nunani allani akileraaruseriffiup allangortitsiniarnerani, Royal Greenlandip marloriaammik akileraarnissaanut Danmarkimi ingerlatseqatigiiffiup Royal Greenland Seafood A/S-ip Royal Greenland illersugaraa.

**Apeqqut 2) Royal Greenland suliffeqarfissuup ukioq 2021-mi tuneriaannaasunik qanoq annertutigisumik tunisaqarfiit ukunani tunisaqarpa**

**a. Danmarkimi?**

**b. Nunarsuup sinnerani, Danmark minillugu?**

**Uani nalingi assigisaallu akeqquneqarput, apeqqutillu ersarissumik paasiuminartumillu akineqarsinnaanngippata tamassuma ersarissumik nassiuateqarnissaa piumasarineqarpoq.**

Akissut: Tunisaqarfiit akornanni agguaqatigiissitsineq, Royal Greenlandip 2021-mut ukiumoortumik nalunaarusiaani, tamanit takuneqarsinnaasumi, nassuiaammi 2-mi takuneqarsinnaavoq. Tassunga ilanngullugu Royal Greenlandip paasissutissiissutigaa, Danmarkimut tunineqartartut 0,6 mia. koruuninik naleqartut, imaluunniit suliffeqarfissuup kaaviiartittagaannit procentinngorlugu 11 %-it missaanniittut. Taakkunannga 0,4 mia. koruunit, imaluunniit 7 %-it nerisassanik sullissisunut, pisiniarfinnullu tunineqartartuneerput.

**Apeqqut 3) Royal Greenland allaffeqarfia/allaffeqarfii, qanoq amerlatigisunik ataavartunik sulisartoqartigaat**

**a. Svenstrupimiit eqqaanilu (Danmark)?**

**b. Nuummi eqqaanilu (Kalaallit Nunaat)?**

**"Svenstrup eqqaalu" pineqarpoq nalinginnaasumik sumiiffiit eqqaaniittut paasineqarsinnaasut, ilanngullugu Hellebarden 7, 9230 Svenstrup J, Aalborg, eqqaamiuilu. "Nuummi eqqaanilu" ilanngullugit pineqarput Qasapi 4, 3900 Nuuk illoqarfik, sumiiffiillu qanittut.**

Akissut: Royal Greenlandip ilisimatitsissutigaa, Nuummi Svenstrupimilu sulisut ima amerlatigisut:

<b>Allaffik</b>	<b>2015-2018</b>	<b>2023</b>
<i>Nuuk</i>	80	104
<i>Svendstrupip eqqaani</i>	150	137

Tassunga tunngatillugu Royal Greenlandip paasissutissiissutigaa, Kalaallit Nunaanni sulisut 2009-mi 826-usimallutik, 2021-mi 1.388-inut amerleriarsimasut. Ukiut ingerlanerini tunisassiassat tigoorneqartut, tunisassiarineqartullu amerlassusiisa ilutigisaannik, suliffeqarfissuarni sulisut tamakkiisut amerlisarlutillu ikilisarput. Sulisut ataatsimut isigalugit, Kalaallit Nunaanni suliffiit 2021-mi 62 %-iupput.

**Apeqqu 4) Sooruna ilaatigut "Royal Greenland Norway AS", "Royal Greenland Germany GmbH", "Royal Greenland Sweden AB", assigisaallu nunanut allanut tunngarpalullutik suliffeqarfiit Svenstrupimi (Danmark) najugartinneqartut, Kalaallit Nunaanniigatik? Taamatut aalajangiisimanermut tunngavilersuutigineqarsimasut itisilerlugit nassuiaassisoqarnissaa piumasarineqarpoq.**

Akissut: Apeqqu 1-imut akissut takuuk.

**Apeqqu 5) Royal Greenland-ip suliffeqarfissua suna tunngavilersuutigalugu Nuummi, Kalaallit Nunaani "qullersaqarfearluni" oqarsinnaatitaava, ilaatigut § 37 apeqquaqat 2023-43 akissutigineqarnera malillugu? Uani ilaatigut apeqqutigineqarsimasut qulaaniittut eqqarsaatigalugit suna tunngavigerpiarlugu "qullersaqarfittut" taaneqarsinnaanera akeqquneqarpoq, tassanngalu "qullersaqarfiusinnaaneq" qanorpiaq piumasaqaateqarnersoq".**

Akissut: Taguut "qullersaqarfik" ingerlatseqatigiiffinnut inatsimmi atorineqanngilaq, taaguulli "angerlarsimaffik" atorineqarluni, tak. § 5 nr. 13, tassani nassuiarneqarmat ima "Nunami maani najugaq, ingerlatseqatigiiffiup attavigineqarsinnaaffia." Assersuutigalugu ataatsimeersuarneq, aktianik piginneqatigiiffiup angerlarsimaffigisaani aallaavittut ingerlanneqassaaq.

**Apeqqu 6) Inuiaqatitsinnik nunatsinneersunik sulisoqarnikkut, aamma pisortaqarniarnikkut atorfilersuinerunissaq anguniarlugu, Royal Greenland suliffeqarfik tamani iliusissaminik qanoq pilersaarusiornikuua? Anguniakkat pineqartut qaqugu anguneqassaneranut piffissalikkamik saqqummioqquneqarput, ersarissumillu anguniagaqarsimannigikkaanni iliusissiortoqarsimannigippallu tamassuma amigaataaneranut nassuiaasoqarnissaa piumasarineqarpoq.**

Akissut: Sulisut pillugit apeqqu 3-mi akissummi nassuiaatigineqartoq innersuussutigineqarpoq. Taassumap saniatigut Royal Greenlandip paasissutissiissutigaa, Kalaallit Nunaanni atorfinnut qulliunerusunut piginnaasanik ineriartortitsinissamik pilersaarut sulisutigineqartoq. Taassumap saniatigut piginnittuunermut politikkip isumaqatigiissutigineqarnera innersuussutigineqarpoq.

**Apeqqu 7) Inuiaqatigiit suliffeqarfiutaat Royal Greenland Kalaallit Nunaanni aallaaveqarnerulernissaanik qanoq piginnittut, tassannga Naalakkersuisut siulittaasuat (takuuk § 37, 2023-43), takorluugarpat? Tassannga "aktivt ejerskab", iliusissallu anguniakkat assingusut malillugit, inuiaqatigiit kalaallit inissisimaffiit pingaarnernut innissinnerunissaq eqqarsaatigalugit**

Akissut: § 37 naapertorlugu apequt nr. 2023-43 Naalackersuisut Siulittaasuata akissuteqarfiginngilaa. Royal Greenland A/S-imik piginnittuunermut tunngatillugu suliassat, ataani atsiortumut tunniunneqarnikuupput.

Nuummi allaffeqarfiit amerlineqarnissaannut periarfissanik Royal Greenlandip misissuina pillugu Naalackersuisut ilisimatinneqareerput. Nunatta ineriartortinneqarnissaani najugaqavissut amerlanerusut qitiusumik inississinnaanngorlugit piginnaanngorsarneqarnissaat, taamaalillunilu apequt 3-mut nassuiaatigineqartup ineriartortinnerata ingerlatiinnarneqarnissaa pillugu suliniut taanna ingerlatseqatigiiffiup pingaarnertut periusissiaata, angorusutaatalu ilagigaa, Royal Greenlandip ilisimatitsissutiginiuuua.

Inussiarnersumik inuulluaqqusillunga



Kalistat Lund